



Сембе масторок пролетариятне, пуromoда марс!

ЛИСЕНДИ VI-це КИЗОНЪ

ВЛКСМ-нь Мордовский
обкомъ и Саранскяень
горкомъ газетасна

Адресс: г. Саранск, ул. Советская,
Дом печати

АПРЕЛЬ
8-це ШИСТОНЗА
1938 КИЗОНЪ
40 (556)

Лисенди ковти 12-кеть.

Серьезнай и упорнай работа

Проверочнай испытаниятне иди илядсь аф лама пинге.

Майть 20-це шистонза сембе школава ушедьхть проверочнай испытаниятне. Испытаниятне няфтьсазъ школатне достиженияс-нон и учительт киза кувалмонь работань показателензон. Няфтьсазъ, конашкада эрь учительс школаса тюрсь отличнай и хорошей отметкатне инкса и отстающей ученикне отметкаснон отличнай и хорошей отметкатне иди касфтомаснон инкса. Испытаниятне няфтьсазъ учительт мастерствац педагогическай работаса.

Васенце колма четвертне няфтезь, што Мордовияс кой-кона школаса учительне действитель-но по-большевистски тюрсь школаса отстающей отметкатне машфтомаснон инкса. Но лама шко-лава плохой отметкань лувкссь аф йомла. Например: Саранск ошень 31-це № школаса 530 уче-никне эзда 34 отстающейхть, синь йоткостот 4 комсомолецт. Козловский района, Челпаевский средняй школаса 8—10 классне эса лувондови 159 ученик, синь эздот русский кяльса 24 ученик отстающейхть. Березниковский района Шугуровский средняй школаса 8-це класса 47 ученик-не эзда 11 ученик отстающей.

Шарьхотф, што ня школат-не эса калдявста ульсь ладяф работась. Учителне ашезь лув эрвиксонди сянь, што синь второ-годникне инкса должетт отве-чамс. Сидеста тиендсть станя, што тонафнемаса калдяв результат-не лисендихть ученикне и синь родительснон сюнеда. Аш кода-мовок сомненият, што тяфтама калдяв работать сюнеда ня школа-тне эса второгониконь лувкссь ули аф йомла.

Испытаниятне иди анокламань ра-ботась должен йотамс станя, што-ба тя пингть рациональнаста и маштозь ладямс школаса работась. Тоса, коса испытаниятне иди анокламань работась ладяф цебарь-ста, аш месь корхтамска, тоса испытаниянь результатне улихть ламода сяда цебарьхть, чем тоса, коса испытаниятне иди анокламань работась кадозь эсь отям молемати.

Следователна, испытаниянь ре-зультатне могут цебарьхть улемс и снярда, мзярда эрь учительс, правильнаста и маштозь кармай йотама пройденнай материалт коряс повторнай занятиятне, кда школань администрациятне пра-вильнаста организовандасазь спо-

койнаста эрь ученикть школаса самостоятельной работани.

Эрь учительт эрви меляфтомс, што испытаниятне цебарь ре-зультатна ащи учительт эзда. Сяс и эрь учительт эрви анокламс испытаниятне иди станя, штоба сонь классонза испытаниятне йоталь-хть цебарь результат мархта. Тянь инкса учительне должетт курокона кемокстамс эсь йоткост соцсоревнованиянь договорхт, уче-никне йоткса сатомс сянь, што-ба эрь учениксь сяволь эсь лан-гозонза обязательства.

Испытаниятне могут йотамс успешнаста снярда, мзярда РайОНО-тне и МАССР-нь Нарком-проссь оперативна ушедьхть лез-дома школатне иди испытаният-не иди анокламань работаса. РайОНО-тне и МАССР-нь Нарком-проссь должетт эрь учительт сознаниязонза азондомс сянь, што-ба испытаният пингста эрь уче-никть успеваемостенц колга оцен-кати аф огульна, а максомс уче-никть али студент успеваемостенц колга правильной оценка.

Наконец, испытаниятне резуль-татна могут улемс цебарьхть сняр-да, мзярда школьной комсомоль-скай организациятне ушедьхть серьёзнаста лездома учительт работанцт. Эрь комсомолец, студент, ученик и учительс должетт испытаниятне пингста няфтемс исключительна цебарь результат. Синь работань при-мерснон эзда школаса зависит успеваемостьс.

Школатне эса ушедсь инь серьёзнай и упорнай работась. Эрь учительт, комсомолецт и сембе комсомольскай организацият за-дачац ащи сянь эса, штоба испы-таниятне пингста школаса няф-тель инь цебарь показателхт.

Учительт, комсомолецт, ком-сомолкат, пионерхт и пионеркат, тюрета сянь инкса, штоба тинь школаньтне испытаниятне пингста няфтель ба инь цебарь показа-тельхт!

Ученик, ученикат, студент и студенткат, аноклада испытаният-не иди станя, штоба теент минь учительне и родной алянке Сталин ялгась азоль спасибо от-личнайста тонафнемат инкса! Ано-клада испытаниятне иди станя, што-ба азомс великай генийти Ста-лин ялгати—испытаниятне мак-сось отличнайста, спасибо Тейт, Сталин ялгась счастливый детст-вать инкса!


Английский и французский правительстватне иди испанский нотась

Испанский республикань посолсь Лондонца апрельт 6-це шистонза Англиян иностранный тевонь мини-стерствати макссь нота, коса веши Испанский республикати оружи-ань и военной снаряжениянь рам-

семс свободнай прават.

Тяфтама жа содержанияс фкя пингть Парижса Испанский посолсь макссь нота французский иностран-най тевонь министерствати.

(ТАСС).



Саранск ошень трудящайне эрь илядье тонафнесазь РСФСР-нь Верховнай Совету кочкаматне колга Положеният.

Снимка: (кержи ширде види шири) М. К. Шабановсь—Наркомземонь агрономсь и Ю. Г. Таневичсь—ИМЗО-нь преподавательс тонафнесазь РСФСР-нь Верховнай Совету кочкаматне колга Положеният.

Фотось Г. Барановт.

Испанияса фронттне эзга

Оборонань испанский министр-ствать сообщениянц коряс апрельт 4-це шинц пингста веть маррока-не и итало-германский интер-вентне восточнай (Арагонский) фронта сувасть Леридь юго-запад-най окраиназонза и зайнязь вок-залт. Республиканский частьне ошть эвакуировандазь, и кемок-тасть Леридь перьф од позициява. Ошть эзда северу мятежникне зайнязь колма велет.

Эбро ляйт эзда юг шири фа-шистне иди удалась эсь передовой линияснон шашфтомс Мора де Эуро линияти модемс. Тя района итальянский частьне иди удалась нежедемс сяс, што фашистский 100 самолетт апак лотксек бомбар-дировандазь республиканский ли-ниятне.

Фашистский авиациясь мольфти бомбардировка республиканецне тылсост велетне лангс.

Центральной фронта, Гвадалахар секторса моли республиканский войскастне активнай шаштомасна. Аньцек апрельт 3-це шистонза республиканецне 17 километрн кувалмоса фронта шаштсть 9 кило-метрн расстояниас. Приметамок мятежниконь частьне порядкаф-тома потамаснон, республиканский конницась фатясь лама пленнайхть и военной снаряженият.

Республиканецне од позиция-на господствовандахть сембе гор-най районне лангса и тийст перекрестнай исходнай пункт сяда товолдонь наступлениянди.

Успешнаста моли республикан-ский войскастне наступлениясна южной фронта, Игуера де Калат-рова направленияс. Республика-не иди фатясь лама военной снаря-жения.

(ТАСС).

Монь работазе

Мон тонафнян М. Пашадонь школаса котоце класса. Тонафнян сембе дисциплинатне эса аньцек отличнайста. Надиян, што прове-рочнай испытаниятне макссайне аньцек отличнайста.

Занятияста самда меле, мон куд-са васендакигя вайман, а сяда ме-ле ушедан уроконенди аноклама. Аф прянь шнамга, мон должен азомс, што тя али тона дисципли-нать коряс мон аф зубрешкать вельде аноклакшнесайне уроко-не, а внимательнаста лувса максф заданият и эсь валне мархта школаса отвечан кизефкс-ненди.

Тяда башка кудса оцю работа йотафнян родительне йоткса. Мон азонкшнеса алязти мезе минь йотатама историяс.

К. В.

Пурдашкань р-н.

Кода сон сатозень отличнай отметкатне

Йотай кизоть Сейтяновка велень начальнай школаса Еремкин Ми-шась тонафнесь нилеце класса. На-чальнай школат аделаза отлич-най отметка мархта. Отличнайста школат аделаманц инкса сон ульсь казф почетнай грамотаса.

Тяни Мишась тонафни Самаев-кань НСШ-са 5-це класса. Сон ва-сен учебнай кизоть нингя сяссь обязательства тонафнемс аньцек отличнайста.

Эряхть стама случайхть кой-ко-на ученикне мархта: сяссь обя-зательства, а обязательстванц аф пашкодкшнесы. Но Мишась мар-хта лиссь меклангт, сон эрь шиня проверякшнеше эсь обязательст-ванц, кода сон пашкодкшнесы. Тя макссь теенза оцю лезкс от-личнайста тонафнемати.

Сьормадода итт, кода тинь то-нафнетяда.

Муштаев.

Ковылкинн район.

КОМСОМОЛЬСКИЙ ЭРЯФСЬ

„Аердсть практический руководствать эзда“

„Аердсть практический руководствать эзда“, Шайговонь районца комсомолеще везде корхнихть. Тяфтама фразат можна марямс эрь комсомольский пуромксса, аф шуроста синь азонткшневи хть ВЛКСМ-нь райкомть бюросонза. Тя фразась склоняндакшневи сембе подежга и сидеста сьорматкшневи докладтнень и резолюциятнень эса.

Райкомсь тяфтама „аертф“ ломаньда лувонды комсомольский организациятнень эзда лама. Ламонь синь эздост аф пассивнай комсомолещт. „Аертф“ комсомолещтнень эзда ламонь энергичнайхть, конат могут работамс, но теест эряви практический лезкс. Аф шуроста эрйй тяфта: кочкасазь комсомолещт руководящей постс, мярктяма комсоргокс али комитетонь секретарькс, и сонь кадсазь эсь отям работама. Теенза кивок аф максси практический лезкс, кивок аф няфтьсыне сонь работасонза афсатыкснень. И тя работникс валом аерды комсомольский работать эзда. Тяфта лиссь тевсь Шайговань НСШ-са комсоргть Сарайкин ялгать мархта. Школаса комсомольский организациясь аф арси инициаторкс одломаттнень йоткса работать цебярғафтоманцты, аф арси инициаторкс пионерхнень йоткса работать цебярғафтоманцты. Комсомольский организациясь аердсь одломаттнень и пионерхнень йоткса повседневнай работать эзда. Аф сяда лац работась ладяф Теризморга велеса „17 лет октября“ и Буденный ялгать лемса колхознень эса комсомольский организациятнень работасна. Нят колхознень эса улихть замечательнай одломатть, конат колхознай работаса няфнихть стахановский работань образецт, но, комсомольский организациятнень нят одломаттнень эзда аердсть, синь йотксост работа аф вятихть, синь показательсон лияды колхозникнень примеронди аф няфнесазь. Синь комсомолеще колхозса аф арсихть примеркс работаса. Комсомолеще эсь политический уровеньон аф касфнесазь, организовандаф политкружокне пцтай киза ни аф работайхть.

Эряви азомс, што нльня райцентраса комсомольский организациятнень работасон лангс райкомсь кодамовок мяль аф шарфни. Крупская ялгать лемса школань комсомольский организацияса лама пинге политкружоксь ашезь работа.

Ня фактне корхтайхть сянь колга, што райкомсь аердсь практический руководствать эзда. Сембе работась йотафневи кабинетса и кагодонь волокитать вельде. Теризморгань комсомольский организациятнень эса 1938 кизона райкомонь фкявок представитель ашезь уль. Сяс кодама мотивт организациятнень эзда аердомаса афольхть уль, тя няфнесы кода фокусса, комсомольский организациятнень работасонды райкомть бездушнай отношениянц, конац кирнесы политико-воспитательнай работать одломаттнень йоткса и комсомольский организациятнень касомасон.

Шайговань районь комсомольский организациятнень касомасон минь няфцась сай номерса.

Девин Г. С., Кирдяшкин Ф.,
Девин И., Кадеров Е.,
Кадеров Е. Д.

Передовой одломаттне сувайхть комсомолу

Мордовиянь комсомольский организацияса, йотафнемок эсь коварнай работасон народонь вракне, тиендсть искусственной кирнемат комсомольский организациятнень касомасонды. Синь злоумышленна кирнезь комсомолещтнень комсомольский билетонь максомать, эсь пингстост организациятнень ашесть макссе анкетат, формально-бюрокрatically оформляндакшнезь комсомолещтнень личной тевсон.

Саранск ошень ВЛКСМ-нь горкомсь лама комсомолещтнень личной тефт ашезь заполняндакшне, комсомольский билетт комсомолу одс примаф ялгатнень киза квали ашезь макссе. Например: МОЗОС совхозонь комсомольский организацияса комсомолещт Суворов ялгась ульсь примаф комсомолонь ряттнень нингя 1936 кизона, а билет получаь аныцек 1938 кизона.

ВЛКСМ-нь Саранскяень райкомсь оформилсь январь 12-це шистонь

за 1938 кизона, мзярда Саранск ошень комсомолонь горкомста ульсь примаф комсомолещтнень тевсон, няевсь, што 333 личной тефнень эзда 138 личной тефт ульсь „мертвай душань“ папкаса. Тяда башка 15 комсомолещт киза кувалма ашесть получахне комсомольский билетт.

Тяни Саранскяень ВЛКСМ-нь райкомсь комсомольский хозяйствать ламода ладязе. Сембе комсомолещтнень, конатнень ашельхть билетсна, максфт билетт.

Тяда башка лучшей ломаттнень эзда комсомольский организациятнень касомасон колга йотафневи оцю работа. Мзярда ульсь организовандаф ВЛКСМ-нь Саранскяень райкомсь комсомольский организацияда сембоц ульсь 37, а тяни лувондови сембоц 44 комсомольский организация.

Лучшай одломаттне оцю мяльса сувайхть комсомолонь ряттнень.

Амасов.

Петемс курокона нолдаф эльбяткснень

ВЛКСМ-нь Атюрьевский райкомсь эсь работасонза нолнесь аф кржа эльбяткста. Васендакига райкомсь нолдась бюрократический отношения одломаттнень йоткса работать ладяманцты. Тянь сюнеда комсомольский организациятне передовой одломаттнень эзда пцтай йотксис ашесть каса. Ульсь случайхть, мзярда одс сувай комсомолещт комсомолу суваманц пингста макссесь аф существовать коряс кизефкт, и одс сувайсь затрудняндакшнезь отвечахнемс мезень сюнеда сонь ашезь примосе комсомолонь ряттнень.

Райкомсь ушедсь эсь эльбятксонзон петнема аныцек ВЛКСМ-нь ЦК-ть 5-це Пленумонц решениядонза меле.

Тяни райкомсь инь оцю мяль шарфни афсоюзнай одломаттнень

йоткса работать ладяманцты. Кода результат, районца комсомолонь ряттне ушодсть касома. Райкомть бюронц мекольдены заседаниясонза примаф комсомолонь ряттнень 49 одломатть. Синь йотксост паледа ламосна колхознай цебярь производственникт. Вов кить сувайхть комсомолу: Смиркин А. ялгась, 1937 кизона колхозса тийсь 350 трудошит. Егоров С. тийсь 215 трудошит. Кожейкин В. тийсь 250 трудошит. Татаров тийсь 235 трудошит. Нят ялгатне колхозса лувондовихть инь цебярь производственникт. Синь цебярь работанка ульсь казфт.

49 примаф комсомолу одломаттнень йоткса примаф 10 стирнат-колхознипат.

Тяни райкомсь шидашис петнесыне нолдаф эсь эльбятксонзон.

Д. Родин

ВЛКСМ-нь райкомонь секретарьхнень семинарсна

Мартть 25—31 шинзон пингста ВЛКСМ-нь Мордовский обкомсь йотафтсь ВЛКСМ-нь райкомонь секретарьхнень политотделонь начальникнень помощниксон мархта вете шинь семинар. Семинарса ульсь организовандаф 10 лекций и докладт разнай темас коря. Ульсь организовандаф иностраннай разведкатнень коварнай работань методсон колга лекция, партийнай организациятнень работань опысон и ВКП(б)-нь ЦК-ть январский Пленумонц решениязон коряс докладт), международнай положениять и комсомольский организациятнень РСФСР-нь и МАССР-нь Верховнай Советтнень кочкаматнень пингста комсомольский

организациятнень задачасон колга докладт и стак тов.

Лекциятнень и докладтнень лувозь квалифицированной лекторхт. Тяда башка мартть 31-це шистонза ульсь йотафтф „Комсомольский Правда“ газетать корреспондентонц Кац ялгать мархта беседа. Характерна ся, што райкомонь секретарьхне эсь выступлениясон эса отметили йотафтф семинарь оцю значениянц.

ВЛКСМ-нь райкомонь секретарьхне семинарь йотафтоманц пях шназь. Эсь практический предложениясост вешть, штоба систематически йотафнемс тяфтама семинархт.

Левин С.

Комсомолеще тундань видемати анокламань работати аф лездыхть

Малаткшни тундань видемась. Комсомольский организациятне должетт нингя сяда пях вишкптемс стахановский работать ответственной тя кампаниять пингста. Эрь комсомолещт тундань видемати анокламань работаса должен няфтемс стахановский методонь результатт. Сон должен улемс лияды колхозникнень примеркс. Но аф прокс эци тяфта тевсь кой-кона комсомольский организациятнень эзда. Вертелим велем комсомольский организацияса лувондови 50 ломатть. Арьселеть,

што тя организациясь мог ба ладямс колхозса стахановский методонь работать. Но аф тяфта ащи тевсь. Комсомолеще тундань видемати анокламань работаса кодамовок участия аф примосихть. Ламонь комсомолещтнень йоткса колхозса работайхть кальдявста. Культмассовой работать колхозникнень йоткса не возглавляють.

Тяфтама беспечность лангс эряви путомс пе.

Ив. Трясучкин.

Вертелимонь р-н.

Шава валхт практический руководствать вастс

Кивок аф „йорай“, штоба сядомс ВЛКСМ-нь Рыбкинань райкомть работанц.

Мекланкт, райкомть работникса валса могут тиесм золотой пантт. Синь могут любой минута, нльня и секундастовок макссомс комсоргти али комитетонь секретарти практический лезксонь максомать колга обещания. Синь нльня кой-коста могут макссомс честнай комсомольский вал, што учт мол, маластонь шитнень пингста лезттама тейть. Нотяса лисенди „аф оцю недорозумения“. Кда минь ашезь „шарьхкодь“, сяс и йоратама читательти васендакига азомс и кизефтемс сонь: вастсонза ли тя статьять заголовкац.

Тя „йомла“ недорозумениясь лисенди эста. Райкомть секретарец Чалдаев ялгась сембе комитетонь секретарьхнень и комсоркнень петезень мяльсон обещанияса. Сон теест макссесь обещаниять—што мол монць молян тейть лездома, тейть кучан работник, тейть кучан райактивста комсомолец и стак тов. Но кода лисенди тяфта, тачи мерьктяма макссь обещания, а омбоце шиня эсь обещаниянзон юкстазень? „Трудна“ отвечамс тя кизефкт. А сяс минь вештяма, катк отвечай тя кизефксти Чалдаев ялгась.

Сяда цебярь ули, кда минь няфтьсась районца кой-кона комсомольский организациятнень работасон. Вов кепотьксонди Вирь Сазан велень комсомольский организациясь. Тя комсомольский организацияса комсомольский политшколась аф работай, афсоюзнай одломаттнень йоткса работа аф вятевти. Результатокс танди лисенди, што комсомольский организациясь аф касы. Од Толку велень, Малав велень, Самазлай велень комсомольский организациятнень работасна аф сяда цебярхть. А вдь ня комсомольский организациянь комсоргненьди Чалдаев ялгась обещал практически лездомс.

Вов например, Малав велень, производственной комсомольский организацияса 1937 кизона ульсь 21 комсомолец, а 1938 кизоти самс илядсь аныцек 17 комсомолещт. А комсомолу 1938 кизона примасть аныцек фкя ломань. Тя корхтай сянь колга, што комсомольский организациясь аердсь афсоюзнай одломаттнень йоткста.

Киньга аф саты совостец азомс, што райкомсь ня организациятнень работасон аф содасыне. Мекланкт, райкомсь киза кувалма ни кода йорай ня организациятненьди лездомс, но нийсак прокс „аф мушенды“ йотка.

Тяни минь можем апак эльбятть азомс — обещаниянь максомась аф лень, а первичнай организация вомемс и комсоргть али комитетонь секретарть работанцты лездомс, тя тевсь болтающей ломаттненьди аф тьожда тиесм.

Комсомолец,

В. В., Е. А. Прошкин.

ЛИТЕРАТУРНАЯ СТРАНИЦА

ФЕДОР ФРОЛОВ

Эряфсь полафтсь

Миша атя соксесь мода
Тумонь ташта сокаса,
„Адя, ащи, кода-кода
Эсь векозень йотафтса“.
Оцю киза—кизошка
Якась алашаняц мельга,
Тундань шиса, ши-шишка
Соканц каннезе кядь вельде.
Фкя умаста омбоцети
Улендсь лама вайгяльбе,
Сей-тов алашаняц паньши,
Ваны, шоподьсь, курож ве.
Сембе ся работанц инкса
Пишесь кедьнек модмарьхть.
Эрясь сон пяк шобда шиса,
Пильксонза ульсть атякарьхть
Ащезь йота веконц пялец,
Мишань копста сталмось прась
Тяни касы пара мялец.
Цебярь эряфсь тундакс, сась.
Оцю церац—Ким Михалыч—
Знатнай ломань комбайнер
Пара мялец, вярэ валоч,
Од эпохань морай мор:
—Плугозе советский сталень
Подваец аф леньга суд.
Сатомс мярьгсь Великай
Сталинц
Кафкса миллиардшка пуд.
Саты, тейнек „эряф макссесь“
Эчке пекне, попне, шкайсь.
Лаккас сокамс, инзамс пясать,
Штоба касоль урожайсь.
Лац работат—ули кшице,
Кшиса, сивольсь, нарядсь щамсь.
Ялгай, касфк тон трудошицен
Лама, лама килограмм.
Вона кода морсесь Миша;
Вов ни кода морай Кимсь.
Атясь эрясь вачашиса,
Цьорать кеподсь мялец кштимс.

1938 к. Март ков.
Рыбкинань р-н. Ст.—Потьма веле.

Вася Каргин.

Йотась тялось

Пидезь пидесь тьялонь якшамсь,
Якшамть пингста валдоль ковсь.
Ляйхне вельхневсть эчке эйса,
Паксать атцесь акша ловсь.
Кизонь нармощь ашельхть
тяса,
Лямбе шире эрясть синь.
Пизельсь ащесь лешаф пряса,
Нолнесь сиянь шильфу уськт.
Пизесь савор акша ловнясь,
Пухокс атцесь модать флангс.
Менельть эса кельме ковнясь
Дуцянятнеь йоткста ванць.
Удось озимсь ловнять ала
Ащесь удозь мянь тундас.
Йотась, йотась шаржу тьялось,
Тьождя пилькса сась тундась.
Сембось кенярдсть—тундась
сась.
Лямбе шитне малаткшнихть.
Шада веднясь морав прась.
Тялоть пизоц каладсь ни.
Равжа шамац паксать штась,
Гайняй тундань паксянь морсь.
Увнай тракторсь паксянь
станца,
Атамкс торай кшнинь моторсь.
Идень саду итне молихть,
Шумбра шиснон кемокстайхть.
Пара мяльса налхксихть морайхть
Мази тундаты эса снайхть.

1938 к. февраль ков.
Саранск ош.

Шить псиняц

Якай менельга шинясь,
Шуди эздонза псинясь
Велень серай кутнень пряс,
Вирень сянгяря руцась.
И колхозонь паксать лангс,—
Валы сембе масторть флангс.
Оцю парок пяк псиняць:
Касфтсь пиже тишеняць,
Казы шальхть сон шифтнень
пряс,
(Кельксазь соньга шифтне сяс);
Максы панчфкятненди метть;
Эждьсы ляень валда ведть,

Сяльде ведьста шиньф прдай,
Пиземкс модав шиньфсь мрдай;
Пакарькс календасы розьть;
Палат-йотафцы сон козь.
Иднйат, кельгость шиняць псини,
Конац лама урмат синь,
Кундсиентть сонь лучензон
Ляй трваса копозонт,
Ару, шумбра потмозонт:
Кемокстайхть синь шумбра шить,
Тьождялгастыхть эрям кить.

1-36 к.

СИДЕ МОРОНЯТ

ЕГОР ПЕТРОВИЧЕВ.

Гайняй велеса гормошкась,
Морай цебярь гармонистсь,
Эрек Тиманянь Алешась,
Отгорь, вио трактористсь.

**

Аф туян мон кяжиенди,
Аф туян мон новланди,
А туян ударниконди
Тракторист Алешанди.

**

Стирхне цьораняне морайхть
Марстонь тингса перяфса,
Морайхть сянь, кода синь эряйхть
Цебярь, валда эряфса.

**

Вракнень каршес трудндайхне
Арасть сталень кеме стройс.
Теест вятикс ащи Сталинц
Большевиконь рулевойсь.
Рузаевкань р-н, Болду веле.
1938 к. Март ков.

ФЕДОР ДУРНОВ.

А. БЕЛЯЕВ.

Катяти

Кода тон эрят,
Мокшень од стирня,
Зойняй вайгяльня,
Равжа касаня!
Тон эсь сьормасот
Тейне сьормадат,
Кели паксянь тефть
Эрь шиня учат.
Паксянь тефне тонь
Касфтыхть седизень;
Сельме ванфкяце
Пети мялезень.
Учемак, Катя,
Учемак тон монь.
Мон мзярдонга
Аф юкстате тонь.
Ну, Катя стирняй,
Шумбраста эряк,
Мархотот няхтяма
Мазы тундаста.

Федор Фролов.

Моску—Сан-Франциско

Вяргя лии аэроплан,
Мотороц увназь увнай.
Вятысь сталинский пилот
Надиян, што сон аф прай.
Москуста сон Сан-Францискав
Энь полюзть вельфке лийсь.
Кемонь тьожятть километрат
Алу апак валгонтт тийсь.
Вишке вармат... шовдат ветне,
Ловонь пизепть и туман
Сембе сяка ащезь сетме
Сталень седи аэроплань.
Вятиец сонь Чкалов ялгась,
Советский Маторонь Геройсь
Полюзть каршес менельть эзга
Васенда срхкась сон бойс.
Алост удось зень полюзсь
Сиянь-серень каскаса.
Пиндолды сон разнай туюсьса...
Аф азови скаскаса.
Каскать прянясонза ащесь
Кода сьока, якстерь флагсь.
Полюзть вишке ошонц машнефтсь
Героический маяксь.
Рыбкинань р-н, Ст.—Потьма веле.
1938 к. Март ков.

Я. ПИНЯСОВ

Кельгса

Ков тон кяшеть, шаржу тьяла?
Коса садстонок минь ловмарсь?
Кульса тячи вальмять ала
Морай кенярдезь псьмарсь.
Сянкас кенярдсь морай, рахай,
Ули цебярь пизоняц.
Пацянзон лапай, лапай,
Малав терьни кизоняць:
Сак тон кизоняца, малав—
Инжись манияти ванць.
Няйса, кода кельгозь палайхть,
Сукся мзярда ялгац кандсь.
Синь нюрояфнесь савор вармась,
Пиндолфтсь пацяснон шись.
Алнят нарвась ава псьмарсь,
Тяни эшендема лиссь.
Курок лефксат... пади ванды
Лифтихть ляпе пухоняц.
Свежай суксат кафцьке
кандыхть,
Кандыхть идьснонды суксат.
Эх, псьмарть мон келькса,
келькса
Келькса мазы кизоняць.
Сянкас эсь куднязень велькс
мон
Стяфтонь доскань пизоня.
Саранск. 1935 кизоня.

ПИОНЕРХНЕНЬ ПЕРЕСНА
(ИДЕНЬ НАЛХКСЕМА)

Пионерхнень пересна
Школать ваксса кели.
Келусь школать инголе
Топас пяк и сери.
Эй-да, эй-да, эй-дай-да,
Школать ваксса кели,
Эй-да, эй-да, эй-дай-да,
Топас пяк и сери.
Пионерхнень пересна
Шачи имешсь парста
Сяс, мес шабань келеса
Соказы, видежь марса.
Эй-да, эй-да, эй-дай-да,

Шачи имешсь парста.
Эй-да, эй-да, эй-дай-да,
Соказы, видежь марса.
Уледа тинь инголе,
Якстерь галстук пионерхт!
Фалу цебярхт няфтеда.
Тевонь тиёмста примерхт.
Эй-да, эй-да, эй-дай-да,
Якстерь галстук пионерхт,
Эй-да, эй-да, эй-дай-да,
Тевонь тиёмста примерхт.
Саранск, 1938 к. Март ков.

Кода налхксемс идень налхксемась
„Пионерхнень пересна“
(Лезкс идень садса группань вятихненди).

Налхксемась эряви йотафнемс
дошкольник итнень мархта. Тя
налхксемать мархта можна йотаф-
немс шовдавань зарядкат, а ста-
няжа налхксемс свободнай деятель-
ностень пингста.

Штоба ушедомс итнень мархта
тонафнемс тя налхксемать, тьяда
инголи эряви тонафнемс валхне, а
сяда меля ушедомс тонафнемс
движениятне текстть коряс.

Дошкольникне, особенно ва-
сенце группась, аф пяк кельксазь
скучнай, валфтома зарядкаты, а
кельксазь морамаснон, кшнимас-
нон и налхксемаснон, сяс, мес синь
нингя аф сембе прокс содасазь
зарядкаты пользанц. И тя возрас-
тонь итнненди группань руково-
дительхненди стака азондомс, што-
ба синь шарьхкоделезь зарядкаты
пользанц. Налхксема итне кар-
майхть оцю мяльса, но группань
руководительхненди налхксемасо-
вок эряйхть заинтересовать итне,
и кшнизь, моразь итне синьке
аф няйсазь кода йотай зарядкась.
Налхксемась, „Пионерхнень пе-

ресна“ ушедови тьяфта: Сембе итне
пуромфт кругс. Ушедови морамс
васенце строфась.

Валхнень лангса: „Кели“—итне
няфтьсазь кядьса, што пересь кели,
кядьснон келептьсазь сембе
келес, кафта шири; „топас“—итне
няфтьсазь кядьса, кодама топас,
кядьснон кеподсазь эсь ингоlest
аф эсь лафтудост сериста; „Сери“
—кядьснон кеподьсазь вярй ви-
деста; „Эй-да, эй-да, эй-дай-да“ вал-
хнень азомста лапасазь кядьснон.
„Кели и сери“—тийсазь станяжа,
кода и тиендезь васень строфать
эса: „Шачи имешсь парста“—
няфтьсазь кядьса конань сереса
кеподсь имешсь модать эзда; „со-
казы видежь марса“—итне туйхть
мельцец кругса и няфтьсазь кода
с о к а з ь; „Эй-да, эй-да, эй-
дай-да“—молемань пингста лапа-
сазь кядьснон; „Соказы видежь
марса“—тийсазь, кода инголе.
Мекольдены строфать морасазь
молемста, станя жа морасазь ме-
кольдены припевть.

(Авторть эзда).

Одломаттне съормадыхть

Избач—болтун

Ефим Иванович Осиповсь—болтун. Ули ли смысла сонь колганза съормадомс. Мерьктыма, што болтунтнень колга „аш смысла“ съормадомс, но вдь Ефим, Ивано-



【Ба! Знакомый ломанцы!】

вичсь „лоткась“ болтандамда. И вов, кода Ефим Ивановичсь „лоткась“ болтандамда, тя искреннай попытка колга и эряви съормадомс.

Болтандамда аф мярьгихть. Виденекс, болтандат кодама, кодама ломанень колга чепуха—могут таргамс ответс. Да и болтунтнень курукста и могут вербовандамс фашистский разведкатне эстиест агентокс.

И вов Ефим Ивановичсь йорась лоткамс „болтандамда“. Сон вассенце пингть резкай валса корхнесь речт изба-читальнянь работанц колга, што мол ушедан ялгат, тиса изба читальнянь работанц образцовайста, што работась изба-читальнясь кармай лаказы-лакама“. Но Ефим Ивановичть седиень пети ня валонзон салсезень вармась, а работась изба-читальнясь ня валхнень эзда хоть аф ламняда петеволь.

Ефим Ивановичсь эсь инголенза путсь задача: лишнай аф болтандамс. Сон арьсесь, што—аф болтун ломаттнень кельксазь, теест уважения и почет, син пользовандай оцю авторитетса, а мон прокс корхтан и корхтаманень эзда мезевок аф лисенди, што шава боцькаста шава боцькати вель кайсят. И мярьгат: кие тонь кошаранзе корхтама, но и жа кяль; тя кяль мархта юмат—сяда тов арьсесь Ивановичсь.

Тевсь кода няеви аф эса, што Ивановичть корхтаманза аф лездыхть эстиенза, штоба ладямс работать. Партийнай и аф партийнай большевикнень аф аерткшнихть валсна тевть эзда, а болтунть, сонь прокс валонза аерткшнихть тевть эзда.

Колхозник.
Шайговань р-н, Лемдяй веле.

Аф приятнай вещь

Федор Павлович Киржаевсь аноклась клубть работанц колга отчет. Думадондась, думадондась и арьсесь:

Кда съормадомс об'явления, што тячи ули клубса пуромкс, што тячи клубонь заведующайть культмассовой работать колга отчетоц,—пожалуй, што мезевок аф лиси, народсь тяни ой-ой кодама; тяфтама—работать инкса сценаста патьтядязь.

— Но мезе на тиёмс?—арьсесь Федор Павловичсь.—Во, замечательна лиси, кда мон инголи конспект докладонди тяян.

Тяса Федор Павловичть мархта лиссь йомла аф приятнай вещь. Яркая реченц колга конспектс ризнафты сонь седиенц. Ламоксть йорась ушедомс съормадома, но мезевок сонь конспектсонза ашезь лисенде. И сурса, и простой арифметический законть коряс и тяфтак, трванзон мштерьфтезь лувондозень клубса организовандаф кружокнень, и йотафть беседатнень, и докладтнень, сембе сякоккс лисендсь ноль.

Мярьктыма, што клубса апак организовандакт кружокт, но вдь клубсь шинек-венек панжада эрясь—арьсесь Федор Павловичсь.

— А вдруг максыхть кизефктс,—азонтка Федор Павлович мезе конкретна тон тиеть? Тя кизефктс пожалуй, што ответ аф муян. Вдь народсь тяни ой-ой кодама. Кда ушедат васькафнема, эстакигя кундатыдязь, а критикать вельде и ломандонга лифтыдязь. Тясонга лисенди аф пяк приятнай вещь—арьсесь Федор Павловичсь.

И тяфта, тя туикста Федор Павловичсь мусь фкя выход—кивок кядьстон работа аф веши, мезенди сальде сярятьфнемс прязе? Кодама бди отчетт, конспект, да от-

четта меле критикаса шафтыдязь, лувондован избачекс, и пара, кие монь эздон веши работа, кинди пяк эрявсь.


Минь кизефтсась Федор Павловичть:



Аф приятнай вещь

— Приятнайхть ли ня вельде, кда тон клубть работасонза бездействуеш, кда тон тундань видемати работаса кодамовок агитационно-пропагандистский работа аф йотафнят и тя безделияцень инкса получают государственной ярмакт?

Мон, колхозник.
Рузаевкань район, Левжа веле.



Идень яслянди работниконь курст

Саранский райздравсь организовандась идень колхознай яслянь заведующаень курст.

Снимкаса: (кержи ширде види шири) А. А. Груношкинась (Солдатский велеста), М. К. Кулешовась (Танеевка велеста) и М. М. Мельниковась (Луховка велеста) занятиясот.

Фотось Г. Барановъ.

Школатнень эряфсна

Ладямс методический руководствать школаса

Саранск ошень 9-це № школаса кальдявдонга кальдявста ладяф методический руководствась. Завучсь Николаева ялгась учительхненди методический указаният аф максси, учительхнень учебнай планцнон аф ванонцыне.

Ульсь тяфтама случай: аф кунара МАССР-нь Наркомпросста комиссиясь проверендазе 9-це № школат работанц, и вов сянь вастс, штоба анокламс комиссияти учительхнень, Николаева ялгась тя работать ушедозе снярда, мзярда ульсь назначиндаф комиссияти работань шись. Сон тердезень учительхнень, йотам пачк ванозень учебнай планцнон и корхтай: „Тинь уш, ребятушки, тяда пеняце монь лангозон, што оцю опоздания мархта уставань аноклама тя работати. Сай комиссиясь, проверясы минь работаньконь, максси указаният. А мон уш тиса станя, штоба занятия йоткова афоль присутствованда, а монь предложе-

ниязень коряс максоль оценка эрь учительть работанцты“.

Тяфта и лиссь. Сась комиссиясь, Николаева ялгась потолокста лувозень доскатнень и максси оценка эрь учительти.

Николаева ялгась учительть работанц аф содасы и максси оценка сонь работанц колга.

Мелешкина учительница урокса аф завучсь, аф директорсь Наумова ялгась вестевок ашезь уль и макссь комиссияти предложение, што сонь работац кальдяв.

Минь кизефтсась, коста содасазь Николаевась и Наумовась Мелешкинать работанц?

Потолокста доскатнень лувозь учительть работанцты правильной оценка аф макссови.

Тя кальдяв руководствать сюне да школаса производственной дисциплинась кальдяв, учительхнень йоткса аш трудовой соткс. А тянь эзда можна и тиёмс вывод школаса воспитательной работати.

Т.

Испытаниятнень васьфтьсазь отличнай отметка мархта

Болдувонь средний школаса Дивеев Егорсь и Лаушкин Андрейсь тонафнихть 5-це класса. Эсь упорнай работасон мархта сатсь синь сембе дисциплинатнень эса анычек отличнай отметкат. Тяни Дивеев Егорсь и Лаушкин Андрейсь упорнайста аноклайхть переводнай испытаниятнени. Синь надияхть, што испытаниятнень васьфтьсазь отличнай отметка мархта.

А. В.
Рузаевкань р-н.

Ванять обязательстванза

Кулдымонь НСШ-са Лошманов Ванясь васень учебнай кизоть нингя сявсь обязательства тонафнемс анычек отличнайста. Эсь обязательстванц Ванясь пашкодезе оцю сатксф мархта. Сон тонафни сембе дисциплинатнень эса анычек отличнайста.

Тяни Ванясь макссь обязательства испытаниятнень максомс анычек отличнайста.

Н. Д. К.
Вертелимонь р-н.

Любительский драмкружок

Саранск ошень 12-це № школаса организовандаф любительский драмкружок. Драмкружокса лувондови сембоц 40 юнай актерхт. Кружокть руководительс Очева Рая ученицась.

Афваномок сянь лангс, што

кружокть аф кунара организовандаф, юнай актерхне кенерсть ни путемс Саранск ошень театраса „Платон Кречет“ пьесать. Тя постановкась макссь оцю лезкс драмкружокть сяда тов работанц ладяманцты.

Зубрилов.

Ответ. редакторсь П. ЕЖОВ.

Упол. Главлита № Д-40. Заказ № 1413. Тираж 3884.

г. Саранск, тип. „Красный Октябрь“.